

佛說五蘊皆空經

三藏法師

義淨

譯

如是我聞一時薄伽梵在婆羅痾斯仙人墮處施鹿林中尔時世尊告五苾芻曰汝等當知色不是我若是我者色不應病及受苦惱我欲如是色我不欲如是色既不如是隨情

所欲是故當知色不是我受想行識亦復如是復次苾芻於汝意云何色為是常為是無常白言大德色是無常佛言色既無常此即是苦或苦苦壞苦行苦然我聲聞多聞弟子執有我不色即是我我有諸色色屬於我我在色中不尔世尊應知受想行識常與無常亦復如是凡所有色若過去未來現在内外麁細若勝若劣若遠若近悉皆無我汝等當知應以正智而善觀察如是所有受想行識過去未來現在悉應如前正智觀察若我聲聞聖弟子眾觀此五取蘊知無有我及以我所如是觀已即知世間無能取所取亦非

轉變但由自悟而證涅槃我生已盡梵行已立所作已辦不受後有說此法時五苾芻等於諸煩惱心得解脫信受奉行

佛說五蘊皆空經竟

思四

奉

士柔

佛弟子勞了原施財刊板所異
早離俗塵了心如幻如化者

咸淳元年六月 日 勞了原 題